

առաջ՝ մահուան գիրկն է նետուած: Դա այն մեծ
և խոր փոսերն են, որ իւրաքանչիւր տուն, ի-
րենց տնային գործածութեան համար, գետից ջուր
է հոսեցնում այդ փոսերի մէջ առուակով: Այդ
ջրամբարների երեսները թէև խնամքով ծածկում
են հաստ գերաններով և ապա հողով, որպէս զի
թէ մաքուր մնայ ջուրը և թէ մարդ ու անասուն
չընկնի նրանց մէջը, այսու ամենայնիւ, ամառնա-
յին ամիսներին, երբ շատերի ջրերը սկսում են
ցամաքել և ընակչութիւնը դաշտային երկրագոր-
ծակէան աշխատանքներով պարապել, ջրամբար-
ների ջրերը սկսում են հոտել ու նեխել: Հաստ
գերաններով ծածկուած զանազան ծակ ու ծու-
կերում ոչ միայն գորտեր ու պէսպէս սողուններ
են վխտում, այլ և շատ անգամ նոյն իսկ թունա-
ւոր օձեր ու կրիաներ: Ահա այդ է գլխաւոր
պատճառներից մէկը, որ դաշտաւանակ թէ ուտիա-
խօս ու թրքախօս հայերի և թէ թուրքերի արա-
կան սեռը լինում է սովորաբար վտիտ, վատոյժ և
թուլակազմ: Իսկ ընդհակառակն՝ իգական սեռը,
կարմրաթուշ, առողջ, պնդակազմ և վարդա-
գոյն, չարքաշ, համբերատար և տնային աշխա-
տութեանց մէջ չափազանց աշխատասէր:

Գ.

ՈՒՏԻԱՅՈՅ ՊԱՐԱՊՄՈՒՆԲՆԵՐԸ

Ուտիացի տղամարդկանց գլխաւոր պարապ-